

建德縣志卷之九

佚事志

雜傳

仙釋

災祥

寇盜

太史公紀五帝曰書闕有間矣其軼乃時見於他  
說狀則軼之所載顧可略哉故尚書春秋誌天子  
侯國之事而復有汲冢紀年之編馬遷班固述周  
秦前漢之文而更有穆滿武帝之簡皆旁搜別覽  
抉隱拾遺俾方策所垂不就長滅補綴之功於焉  
有用建志各以類從自方輿而下區為十志而佚

建德縣志

卷九

佚事

事終焉凡技藝擅長仙禪拔類以及災祥弭盜之  
情形俱可類從而附見矣志佚事

雜傳

明方叔和字節之由儒醫授本府醫學正科成化二  
十年禮部列名取赴京二十二年憲宗命入御  
藥房供事陸授御醫弘治四年岐王遘疾令叔  
和診視有效累受白金文綺之賜進階修職郎  
尋勅命八年陳乞歸田卒于家子百壽國子生  
以早卒從孫應元繼祀領嘉靖乙卯科鄉薦

張曾字龍門邑庠生居建安山有耽水尋龍之癖  
家藏廖賴遺書曾讀之精其術遂以堪輿遊公  
卿間學使陸完學嘗延至家卜墓驗其刻應不  
爽銖黍甚加嘆異後完學累官浙撫曾遂爲入  
幕之賓子明佐亦善易數卒年九十三

王應茂號繼軒祖授醫術至茂凡十世業益精及  
年七十餘郡守延之診視躬親迎勞肩輿直抵  
署門人皆榮之性敦朴鄉里以古道稱焉

仇鳳翔字敬寰幼習醫比壯通悟方脉諸書尤善

建德縣志

卷九

佚事

二

療小兒疾不用藥餌但視其經絡所至以手摩  
按令汗出立愈子一焮補邑庠生食餼有文望  
遂以其業傳婿陳謙備備習之爲人療治名與  
岳齊尤善治痘疹諸童子賴其調護云

林文耀字綱齋幼穎異精書字法道勁在趙松雪  
伯仲間中年目失明臨池之興終不能忘乃剪  
紙爲字勢飛動若龍蛇點畫不差粒黍人驟見  
之以爲繕初不辨其剪也室人善裝裱成軸易  
薪米以自給至今傳曰林剪裱爲絕技惜兵燹

水災之後存者寥寥矣

楊萬邦字寧甫。邑庠生。善枰。隱僅亞于國手。明季見天下擾攘。自褫其襪。僕祝髮為僧。飄然入山。伍雲泉而友麋鹿。時人高之。

國朝

戴邦聘字起莘。以醫術名。為人療治。輒效。尤敦行。誼。嘗建橋亭。以利行者。周貧恤乏。施藥餌。不責其值。當事重之。舉與賓筵。子天祐。篤于孝友。父歿。時年十七。奉養寡母。先志承順。撫幼弟。天禮焉。所著醫學善傳若干卷。

建德縣志

卷九

佚事

三

何安華字衡雨。攻岐黃術。兼精內外。求療者若市。無貴賤。咸應之。性尤樂善。散粟掩骸。嘗拾遺金于道。俟覓者。驗而還之。歲飢。愚民掠食為富家。所訟繫獄者多。罹疫症。安華晨夕診視。不少倦。且請之所司曰。此冤抑所致也。祈釋之。當道重焉。崇禎年間。部授太醫院判。安華不赴。性佞佛。置內典一藏。貯城西寶華洲。其隱行方術。可稱。

俱高已卒年八十子長庚傳其醫今世顯云  
鄧應封字國藩邑庠生天資開悟博涉群書兼通  
二氏藏生平迂懶無迹幅面詩文蕭散有孤雲  
野鶴之致諸素問青烏家言皆所潛究尤精于  
數學其推算六壬往往奇中初爲諸生時治毛  
詩問之前輩以春秋入試者少爾易售卽改治  
春秋逾旬背誦無遺可以知其敏洽矣暮年爲  
鄉塾師糊口不給嘯歌自若胸懷曠然可稱高  
士

何英字半千能詩琴作八分體其圖意倣沈石田  
老筆槎枒幾于莫辨尤善繪麕麕毛片入神人  
多珍之

論曰夫殘碑斷碣野乘稗官昔人每欲搜而存之  
蓋懼其湮沒弗彰斯仁者之用心也故芳踪雅韻  
所不得而知者多沉埋于載筆失傳之內此則文  
獻無徵亦徒付諸慨嘆而已以今見聞所及若而  
人者雖不足以風世砥俗然一長不棄固君子所  
深許也嗚呼後之視今當有以與其遺帙者矣

仙釋

晉許遜字敬之江西南昌人聞豫章吳猛學道能通靈達聖遂往師之及至猛卒遺言其子吾去後當有東南人許遜來學宐以真符相授子如言授遜遜奉持感驗有愈于猛相傳遜未仙時曾於烏龍山修真煉藥嘗蓄一白鹿每下山詣人家乞火今山麓有大坪差低于四山居其中若環堵狀者人以丹基名之每群鹿相聚前有水池久旱不涸零禱則禮之

建德縣志

卷九

佚事

五

唐許宣平新安人嘗臂挂一花瓢手携曲竹杖醉吟日負薪朝出賣沽酒日西歸借問歸何處穿雲入翠微後竟仙去

徐簡衢之龍丘人出家景靈宮愛睦州山水修真于烏龍山得道白晝飛昇去

宋唐廉真本邑女子既嫁得血疾夢道士與藥服而愈因辭夫去從師學道至淳熙中在郭姓家食飯次若有人喚者出門見三仙欲携之往對曰母在願終養乃授丹一粒吞之遂辟穀後召入

食黃柑忽有鵲啣雙柑至喚之隨同大妻歸  
坐而逝時年一百有一歲

何應亨字禮齋邑庠生潔已好修中無城府比疾  
革寐中啾啾若有問答者詢之曰冥間以吾主  
斯土耳其家人以病中語不之信後數年有方體  
仁者善此仙書姓名于几上曰吾何應亨爲此  
方土地久矣人咸駭異之

建德縣志

卷九

佚事

六

唐釋少康俗姓周縉雲仙都人母羅氏夢至興湖峰  
見玉女持青蓮花授之曰此花吉祥與汝遂娠  
康迨生青光滿室香如芙蓉七歲不能言母抱  
入靈山寺瞻佛像忽語曰釋迦佛自是能言年  
十五出家從學諸方貞元中至江陵遇僧謂曰  
汝緣在睦州言訖不見康因至睦州日乞食城  
中得錢誘小兒誦阿彌陀佛一聲遺一錢就北

高峰建淨土道場集眾唱佛號康聲獨高眾見佛從康口中乘青蓮而出急誦數聲佛出如貫珠坐化之夕有光燭烏龍山山皆成白色元符三年賜號廣道大師

釋道明本邑人俗姓陳江南陳氏後也生時紅光滿室祥雲蓋空旬日方散目有重瞳面列七星形相奇特在眾奪倫因往開元寺禮佛見僧如故知歸白父母願求出家爲僧持戒精嚴學通三藏契旨于南嶽黃蘗禪師後爲四眾請住觀

建德縣志

卷九

佚事

七

音院嘗百餘人經數十載學者叩激隨問遽答詞語峻險諸方歸慕咸以尊宿稱之後歸開元居房織蒲鞋贍母故有陳蒲鞵之號巢寇入境師標大草履于城門巢欲棄之竭力不能舉嘆曰睦州有異人舍城而去遂免擾攘臨終召其徒曰此處緣息吾其歸矣乃跣趺而寂壽九十八歲郡人以香薪焚之舍利如雨收骨塑像于寺今尊宿菴乃其奉母處也

國朝

釋淨岑號深谷浦江人幼喪父事母極孝迨出家  
歷參諸方名宿得曹洞心印卓錫于烏龍山之  
玉泉寺隨機化物遠近皈依後住會稽雲門顯  
聖寺說偈而化有語錄漫言等書弟子智旭號  
山暉繼住玉泉智賢號善瑄結茅裴郭塢

僧真瓚號潭柘詩字可觀初出家九峰寺後遊江  
淮秦晉間爲諸比丘優婆塞解說楞嚴大意已  
復還九峰臘且高不募檀越不赴禮誦蕭朕獨  
行雖緇流而有士習其始思聰惠勤流也歟

僧朗明本維揚人生數歲父母捨之出家後住普  
陀落伽山矢發弘願欲造觀世音像長四丈八  
尺合四十八願及善財龍女彌勒諸巨相乃往  
休寧縣行乞募之數年始就航至建德澄清門  
舟膠不可動明日菩薩乃欲居停于此耶以筭  
卜之誠厭遂于南岸觀音山闢地數畝建大福  
禪寺亦名大佛寺內供諸像明奉戒律甚嚴未  
嘗輕入城市一日忽召其徒索筆題偈曰八十  
年來擔載今朝放下皮袋忽聞一陣梅香從此



逍遙自在合掌端坐而逝

論曰學者槩黜黃老擯瞿曇狀讀其書亦間有足稱者內經云聖人不治已亂治未亂亂已成而後治之譬猶渴而穿井不亦晚乎道德經曰聖人處無爲之治行不言之教萬物作而不辭生而不有爲而不恃功成而不居又曰民不畏死奈何以死懼之民之饑以其上食稅之多其與吾聖賢之言未大刺謬也至于釋氏創因果輪迴之說愚民聽之往往深入其隱而不敢爲非今以儒者治天下

建德縣志

卷九

佚事

九

苟先事而圖簡靜爲理省刑薄斂使百姓有所怵而日遷于善是亦無可加也已故曰其書亦間足稱也若夫觀空悟寂辟穀燒丹現毫光神解蛻流而爲誕妄之徒吾甚無取于彼亦始存而不論矣建之爲邑僻且隘無名山大川以留奇蹟狀羽流開士類不乏人如道明之格反越境獲安全斯不亦見諸行事者歟而嗣其後者亦每有孤高之侶今就其人而誌之庶有所

災祥

永安五年黃龍見于新都之靈巖山更其名曰飛龍山

甘露元年建德水涓獲大鼎進吳王改元寶鼎封太守孫韶建德侯

五代宋元嘉二十年白熊見于新安守臣以獻宋景定中建德縣瑞麥生于東郊公田中知州錢可則繪圖以獻宣付史館

明萬曆十六年中秋前一日五鼓時有大熊入郡城居民駭懼聚眾執械逐入察院中獲之是年蔡

建德縣志

卷九

佚事

十

應龍發解

萬曆三十九年春麥大有

崇禎十六年春二月烏龍山霧成綠色

國朝順治六年竹閣產靈芝于大木杪

康熙五年縣學大成殿前紅光燭天是科王齡昌發魁

康熙十一年壬子春麥秀兩岐

康熙二十二年秋大有年

神龍元年三月乙酉睦州大風拔木暴寒且冰

長慶四年睦州山水暴長

證聖元年六月睦州隕霜殺草

宋嘉熙四年夏秋大旱明年春民食橡蕨路殍相枕藉

開禧三年大水

嘉定八年大旱百二十五日不雨

淳祐十二年夏建德大水五日乃縮壞公私廬舍甚衆

景定二年秋大饑 紹興二年夏大水

建德縣志 卷九 佚事 十一

紹興三十一年冬雷無冰恒燠如夏

紹興三十二年大水 咸淳二年夏大水

元天曆八年八月建德路水没民田

明洪武三年旱 洪武八年旱

永樂四年大水 宣德九年旱

成化二十二年大水 弘治二年旱

正德元年六月至八月不雨

正德三年自五月至八月不雨

正德四年十一月隕霜殺州竹木皆枯花卉無遺

種

正德七年二月大雪深二尺許

正德十四年十二月大雪至次年正月止

嘉靖十八年建德等六縣大水波踰城堞及府治  
儀門漂沒田廬不計

嘉靖二十年建德大旱蝗害禾稼

嘉靖三十年二月初八日大風吹瓦如葉元聲閣  
鐘飛墮城外是日覆沒舟楫甚多

嘉靖三十七年春訛言黑青至居民惶惑鳴金達

建德縣志

卷九

佚事

日踰月而罷

萬曆七年青蟲啖食田禾幾盡

萬曆十六年大疫饑疫死者載道民掘艸根爲食

萬曆二十二年五月初六日地震

萬曆二十七年大水旱田禾不登竹生米採而食  
之賴以全活多人

萬曆三十二年十一月初九日戌時地動墻屋有  
壞者

萬曆三十五年霪雨大水壞田萬餘畝去民間

崇禎十三年庚辰孟夏霪雨彌月二麥無收仲夏  
大疫

崇禎十四年辛巳春夏大疫

崇禎十五年壬午夏大水直至三元坊上秋蟲食

建德縣志

卷九

佚事

十三

苗六月初一日午驛東民居六十餘間坍於河  
崇禎十六年癸未春東湖水赤如血三日始清

國朝順治四年丁亥斗米銀五錢

順治八年辛卯斗米銀四錢

順治十一年繡衣坊大街火

順治十四年冬夜有紙人飛入人家自屋而下壓  
人昏悶咸擊器皿逐之逾旬始寧或云有妖僧  
經此撒豆所爲

順治十六年四月中大疫死棄積河中魚驚人不

敢食六月天雨黑沙

順治十八年辛丑五月二十有四日各鄉大水屢出烈風傾屋六七月大旱禾稼不登

康熙五年丙午十二月澄清門內火居民盡燬

康熙七年戊申六月十七日戌時地震生白毛

康熙十一年壬子四月十五日大星自東北方經天後有數十小星隨之至西南方而殞聲響如雷

康熙十三年甲寅冬十有一月黑熊從府學栢木

建德縣志

卷九

佚事

古

杪躍入隣家碎一婦人首斃之復衝突人群奔府治西入玄壇廟後越城而下不辨其蹤

康熙十七年戊午除夕和義門內火

康熙十八年己未夏五月有虎白晝潛于西門城樓樑上協鎮洪起元乘肩輿將入城前驕鳴籬虎惶遽跳擲洪令軍人以烏鎗爆而殺之

康熙二十一年五月十有七日乙丑大水踰城垣浸及府譙樓前舟從興仁門女墻低處入援救漂溺居民二十一日水乃落東館一帶官道盡

爲水蝕不可行北高峰井巖崩墜十餘丈隣近  
人咸見火光黑霧從崩處出空中有鼓樂聲舟  
人亦彷彿見一物在江中時露首尾鼓樂聲導  
之而往遇舟則斂側而過又三都人避水高山  
者望見對山水自頂上沸湧而出水中大石如  
几如屋者俱向空射起隕落田間山裂爲二中  
陷成窪黑雲彌天隨波而去村人又云隔年前  
樵者聞山底有聲若吼蓋龍潛其中至是始出  
耳聯日公私房舍大半衝壞民間避水者哭聲  
水又發至三元坊下差小于前

論曰春秋胡氏謂旱乾水溢飢饉薦臻者災也山  
崩地震彗孛飛流者異也景星甘露醴泉芝草百  
穀順成者祥也夫祥與異代不恒見而災則往往  
而告故邑志所載亦畧乎祥與異而脩書夫災蓋  
作訛成易歲有事矣螟蝗旱潦雨雹冰雪天之所  
以示人者海寓方州各有其應亦視其所感召而  
已故曰和氣致祥乖氣致戾大兵之後必有凶年

為是言者其審于天人之一理也微矣彼仲舒劉向規規焉執洪範之說以五事配五行者矯強不倫君子亦得其意焉耳至若星辰之有度也雲氣之有分也或為祥或為異者次舍所經遠邈而莫可極安在其為一州一邑之占也哉

寇盜

陳碩真睦州女子始言仙去與鄉隣訣或告其詐已而捕得詔釋不問于是姻家章叔徹妄言碩真自天還化為男子能役使鬼物轉相煽惑永

徽中遂舉兵反自稱文佳皇帝以叔徹為僕射破睦州攻歙遣其黨圍婺州刺史崔義元發兵拒之其徒爭言碩真有神靈犯其兵輒滅宗懼不肯用命參軍崔元籍曰仗義起兵猶無成此乃妖人勢不可持久義元乃命元籍為先鋒而自統眾繼之至下涯戍擒其黨數十人有星墜賊營義元曰賊必亡詰朝奮擊左右有以盾障者義元曰刺史若避誰肯死叱去之由是眾為用斬首數百級降其眾萬餘賊平拜義元御史



大夫

陳晟鎮海節度使周寶裨將領餘杭鎮使中和四年攻睦州逐刺史韋諸朝廷因命晟爲刺史乾寧四年淮南將安仁義攻之不克而還光化三年宣州將康儒攻之吳越王錢鏐使其弟鉞往救之儒食盡遁歸晟據州十八年而死弟詢代立畏鏐忌已適因徐綰亂與田頔通鏐疑之割桐廬隸杭州詢遂與鏐絕鏐遣指揮使楊習攻之詢奔廣陵

建德縣志

卷九

佚事

十七

元章焞衢州人至元十三年四月自衢婺作亂五月二十日偕其黨唐良嗣方忠義自蘭谿來犯三河界峻都宣撫遣招討僉與總管高興擊却之斬忠義六月十二日復使楊武烈來侵峻都宣撫遣萬戶嚴忠傑總管高興擊却之六月二十五日賊黨華貴華明葉采五以三萬人越壽昌犯白沙渡據羅桐埠峻都遣千戶孫繼文同知杜榮大戰逐北至衢之白馬賊洞焚其巢穴而還

梁高戶於潛人元末率衆構亂烏合至數千人皆以紅巾裹頭號紅頭巾自杭至徽轉掠淳安建德地方窮鄉下邑無處不到至桐廬邑人王舉姚邦采邵暎等糾募義旅敗之于安樂鄉未幾少保常遇春自新城來李同簽自嚴州下合關大戰盡破紅巾之衆

明王騏生許都別部也崇禎十六年癸未西南流寇猖獗都乘机以金華叛睦郡戒嚴冬十二月騏生率多人且挈家口僞若避亂者突入興仁門

建德縣志

卷九

佚事

六

見郡守胡崇德曰我等遠來願爲公保此地但樹我號幟敵不敢窺矣時致仕大中丞宋賢疑其言貌謂守曰是殆欲爲許都內應者乎察之果狀遂執其衆斬十九人于宣化坊騏生縋城遁去旣而捕獲併斬之都受招安亦戮于杭州

國朝

邵伯景淳安人劉萬冲黨也康熙十三年土寇韓六合竊據壽昌萬冲寇淳安據之六合率衆潛窺建德白沙埠協鎮鮑虎擊退之遂復壽淳二

臣等家集張志簡入奏表請移州城丁建復臣表  
臣成福言臣以庸靡濫居贊治不敢不見利不奏見  
答不陳臣見居州城俯臨江水先是江阜磽确異常

崎嶇不平展拓無地驗東西南北纜各百餘步城內  
雖有倉庫刺史宅曹司官宇自外更無營立之所其  
司馬以下及百姓並沿江居住每至夏中江水泛漲  
湮沒年別修理夫役極多補整之間實大勞弊欲求  
移轉更無去處今歲夏中水又湮泛江岸崩頽侵損  
道路殆將斷絕目下公私纜通小徑若不移就高阜  
冬山下或引縣郭下惟山縣置在州東更甚卑下曾

船歸日遲亦無妨其建德先處長平地形高爽處三  
江之口五縣之中近歲以來不曾遭水若許移州長  
久穩便卽移雒山縣入州舊城亦得牢固今欲乞置

房屋溺死男女不可勝數

萬曆三十六年大雨水驟發平地高十餘丈

天啟四年甲子五月大水至府治前僅十餘家免

崇禎元年戊辰七月火澄清門內外民居焚燬殆

盡延及城樓

